

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
Қ А Р О Р И



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

3 апрель 2018 й.г. № 263

Тошкент ш. – г. Ташкент

**Ўзбекистон Республикасининг ташқи сектори статистикаси
шакллантирилишини таъминлаш чора-тадбирлари тўғрисида**

Ўзбекистон Республикаси Президентининг «Ўзбекистон Республикаси Марказий банкининг фаолиятини тубдан такомиллаштириш чора-тадбирлари тўғрисида» 2018 йил 9 январдаги ПФ-5296 –сон Фармониغا, Ўзбекистон Республикаси Президентининг «Ўзбекистон Республикасининг иқтисодий ва молиявий кўрсаткичларининг оммавийлиги ва очиқлигини таъминлаш чора-тадбирлари тўғрисида» 2017 йил 12 сентябрдаги Ф-5054 –сон фармойишига мувофиқ, шунингдек, ташқи сектор статистикасининг ўз вақтида ва сифатли шакллантирилишини таъминлаш мақсадида Вазирлар Маҳкамаси қарор қилади:

1. Қуйидагилар:

Ўзбекистон Республикаси Президентининг «Ўзбекистон Республикасининг иқтисодий ва молиявий кўрсаткичларининг оммавийлиги ва очиқлигини таъминлаш чора-тадбирлари тўғрисида» 2017 йил 12 сентябрдаги Ф-5054 –сон фармойишига мувофиқ Ўзбекистон Республикасининг Халқаро валюта фондининг кенгайтирилган Маълумотларни тарқатиш умумий тизимига қўшилиши бўйича фаол ишлар олиб борилаётганлиги;

Ўзбекистон Республикаси Президентининг «Ўзбекистон Республикаси Марказий банкининг фаолиятини тубдан такомиллаштириш чора-тадбирлари тўғрисида» 2018 йил 9 январдаги ПФ-5296 –сон Фармониغا мувофиқ Ўзбекистон Республикаси Марказий банкига Ўзбекистон Республикаси тўлов балансининг ҳисоби ва таҳлили тизимли асосда Халқаро валюта фонди методологиясига мувофиқ юритилишини таъминлаш юкланганлиги маълумот учун қабул қилинсин.

2. Ўзбекистон Республикасининг ташқи сектори статистикасини шакллантириш тартиби тўғрисидаги низом иловага* мувофиқ тасдиқлансин.

3. Ўзбекистон Республикаси Молия вазирлиги, Давлат божхона қўмитаси ва Давлат статистика қўмитаси Ўзбекистон Республикаси ташқи сектори статистикаси шакллантирилиши учун зарур бўлган маълумотларни йиғиш ва Марказий банкка ўз вақтида тақдим этиш учун масъул бўлган ваколатли бўлинмалар (шахслар)ни бир ой муддатда белгиласинлар.

4. Ўзбекистон Республикаси Марказий банкига ва Давлат статистика қўмитасига ташқи сектор статистикасини тузиш учун зарур бўлган маълумотларни ўз вақтида тақдим этиш ва уларнинг тўғрилиги учун шахсий масъулият вазирликлар ва идоралар раҳбарлари зиммасига юклансин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – Молия вазири Ж.А.Қўчқоров, Ўзбекистон Республикаси Давлат статистика қўмитаси раиси Б.А.Бегалов ва Ўзбекистон Республикаси Марказий банки раиси М.Б.Нурмуратов зиммасига юклансин.

Ўзбекистон Республикасининг
Бош вазири



А. Арипов

* Илова рус тилидаги матнда берилган.